

翅按上音施去 突吉上徒反 餽飼上紆瑞反 刮  
 刷上俱八反 摩捫下音門 賜居偽反 訾訾二同音紫 秃  
 他谷瞎許八反 湊七奏反 販賣上反方 鷹鷄上於陵反  
 照鍛丁乱反 瓦陶下音桃 簸箕上補个反 躄跛上必反  
 亦反下 蘭若下汝反 屏語上音餅 伺相寺反 裸身上郎必反  
 果蹲音敞反 兩敲去音奇 脇脅二同業反 頭眩音下  
 縣調弄上徒反 拘睽上音俱下 廁初去反 警欬上苦頂反 那埵下丁反

平江路在城奉先院住持比丘望慈捨施中錄欵二十定助刊

大藏經板所集 功德上報四恩下濟三有仍薦先考昌晉十五承奉

先妣太君瞿氏阿十二娘子同生 淨土者

大德十年八月初一日意

四分律藏卷第十二

睦二

姚素三藏佛陀耶舍共竺佛念譯

四分律藏初分

尔時佛在曠野城時六群比丘與佛修治講  
 堂遶堂周匝自掘地時諸長者見譏嫌沙門  
 釋子不知慚耻斷他命根外自稱言我知正

法如今觀之有何正法而自掘地斷他命根  
 諸比丘聞其中有少欲知足行頭陀樂學戒  
 知慚愧者譏嫌人群比丘言云何為佛修治  
 講堂自掘地使諸長者譏嫌耶諸比丘往世  
 尊所頭面禮足在一面坐以此因緣具白世  
 尊世尊尔時以無數方便呵責六群比丘汝  
 所為非非威儀非沙門法非淨行非隨順行  
 所不應為云何自掘地使諸長者譏嫌耶世  
 尊以無數方便呵責六群比丘已告諸比丘  
 此癡人多種有漏處最初犯戒自今已去與  
 比丘結戒集十句義乃至正法久任欲說戒  
 者當如是說若比丘自手掘地波逸提如是  
 世尊與比丘結戒尔時六群比丘修治講堂  
 教人掘地言掘是置是時諸長者見已譏嫌  
 云何沙門釋子不知慚愧教人掘地斷他命  
 根無有慈心自稱我知正法如今觀之何有  
 正法尔時諸比丘聞已其中有少欲知足行  
 頭陀樂學戒知慚愧者譏嫌六群比丘云何

修治佛講堂教人掘地言掘是置是使諸長者譏嫌耶呵責六群比丘已往世尊所頭面禮足在一面坐以此因緣具白世尊世尊即集比丘僧呵責六群比丘汝所爲非非威儀非沙門法非淨行非隨順行所不應爲云何修治講堂教人掘地言掘是置是使諸長者譏嫌耶世尊以無數方便呵責已告諸比丘自今已去與比丘結戒若比丘自手掘地若教人掘者彼逸提比丘義如上說地者已掘地未掘地若已掘地經四月被雨漬還如本若用鋤或以鑿斷或以椎打或以鎌刀刺乃至指爪拍傷地一切波逸提打樵入地者波逸提地上然火波逸提地有地想波逸提若不教言看是知是突吉羅比丘尼波逸提式叉摩那沙弥沙弥尼突吉羅是謂爲犯不犯者若語言知是看是若曳材木曳竹若籬倒地扶正若反塼石取牛屎取崩岸土若取鼠壤土若除經行處土若除屋內土若來往經

二

二

行若掃地若杖築地若不故掘一切不犯不犯者最初未制戒癡狂心亂痛惱所纏竟尔時佛在曠野城世尊以此因緣集諸比丘僧告言有一曠野比丘修治屋舍故自斫樹耶答曰實斫尔時世尊以無數方便呵責言汝所爲非非威儀非沙門法非淨行非隨順行所不應爲云何修治屋舍故自斫樹耶世尊以無數方便呵責已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘壞鬼神村波逸提比丘義如上說鬼者非人是村者一切草木是若斫截墮故名壞村有五種有根種枝種節生種覆羅種子子種根種者呵梨陀薑憂尸羅賀他致吒盧捷陀樓及餘根所生種者是枝種者柳舍摩羅婆醯陀及餘枝種等是節生種者蘇蔓那華蘇羅婆蒲醯那羅勒蓼及餘節生種者是覆羅種者甘蔗竹筍藕根及餘覆羅生種

者是子子種者子還生子者是若生生想自  
 斷若教他斷若自炒教他炒自煮教他煮波  
 逸提若生疑若自斷教他斷自炒教他炒自  
 煮教他煮突吉羅生非生想若自斷教他斷  
 乃至煮突吉羅非生想若自斷教他斷乃  
 至煮亦突吉羅非生疑若自斷教他斷乃至

三

三

煮亦突吉羅草木七種色青黃赤白黑縹紫  
 色生草木作生草木想若自斷教他斷乃至  
 煮波逸提生草木疑若自斷教他斷乃至煮  
 突吉羅生草木非生草木想若自斷教他斷  
 乃至煮突吉羅非生草木生草木想若自斷  
 教他斷乃至煮突吉羅非生草木疑若自斷  
 教他斷乃至煮突吉羅若打椹著樹上波逸  
 提若以火著生草木上波逸提若斷多分生  
 草木波逸提斷半乾半生草木突吉羅若不  
 言看是知是突吉羅比丘尼波逸提式叉摩  
 那沙弥沙弥尼突吉羅是謂為犯不犯者言  
 看是知是若斷枯乾草木若於生草木上曳

材曳竹正籬障若撥墮墻石若取牛屎若生  
 草覆道以杖披遮令開若以瓦石柱之而斷  
 傷草木若除經行地上若掃經行來往處地  
 誤撥斷生草木若以杖築地撥生草木斷無  
 犯無犯者最初未制戒癡狂心乱痛惱所纏  
 竟十一

尔時世尊在拘睢毗瞿師羅園中尔時尊者  
 闍陀比丘犯罪諸比丘問言汝自知犯罪不  
 耶即以餘事報諸比丘汝向誰語為說何事  
 為論何理為語我為語誰耶是誰犯罪罪由  
 何生我不見罪云何言我有罪時諸比丘聞  
 其中有少欲知足行頭陀樂學戒知慙愧者  
 譏嫌闍陀比丘言汝云何自知犯罪餘比丘  
 問乃以餘事報諸比丘汝向誰語為說何事  
 為論何理為我說為餘人說誰犯罪罪由何  
 生我不見罪云何言我有罪耶諸比丘往世  
 尊所頭面禮足在一面坐以此因緣具白世  
 尊世尊即集比丘僧呵責闍陀比丘汝所為

非非威儀非沙門法非淨行非隨順行所不應為云何闍陀比丘汝犯罪諸比丘問言汝自知罪不即以餘語答諸比丘汝向誰語為說何事為論何理為我說為餘人說誰犯罪由何生我不見罪云何作如是語耶時世尊以無數方便呵責闍陀比丘已告諸比丘

睡二

四

自今已去聽白已當名作餘語應如是白大德僧聽此闍陀比丘犯罪諸比丘問言汝今自知犯罪不即以餘事報諸比丘言汝向誰說為說何事為論何理為我說為餘人說誰犯罪由何生我不見罪若僧時到僧忍聽當名闍陀比丘作餘語白如是作是白已名作餘語自今已去與比丘結戒集十句義乃至正法久住欲說戒者當如是說若比丘餘語者波逸提如是世尊與比丘結戒時尊者闍陀比丘眾僧與制不得作餘語後便觸惱眾僧喚來不來不喚來便來應起不起不應起便起應語不語不應語便語時諸比丘

聞其中有少欲知足行頭陀樂學戒知慚愧者譏嫌闍陀比丘言云何眾僧名作餘語已後故觸惱眾僧喚來不來不喚來便來應起不起不應起便起應語不語不應語便語諸比丘往世尊所頭面禮足在一面坐以此因緣具白世尊世尊以此因緣集比丘僧呵責

闍陀比丘汝所為非非威儀非沙門法非淨行非隨順行所不應為云何闍陀比丘眾僧與制名作餘語後故觸惱眾僧喚來不來不喚來便來應起不起不應起便起應語不語不應語便語世尊以無數方便呵責闍陀比丘已告諸比丘自今已去白已名闍陀比丘

睡二

五

觸惱當作如是白大德僧聽闍陀比丘僧名作餘語已觸惱眾僧喚來不來不喚來便來應起不起不應起便起應語不語不應語便語若僧時到僧忍聽制闍陀比丘名作觸惱白如是如是白已名作觸惱自今已去當如是說戒若比丘妄作異語惱他者波逸提比

比丘義如上說餘語者僧未作白便作餘語汝向誰說為說何事為論何理為我說為餘人說我不見此罪如是語者盡突吉羅若作白已如是語者一切盡波夜提觸惱者若未白喚來不來不喚來便來應起不起不應起便起應語不語不應語便語一切盡突吉羅若白竟作如是語一切盡波逸提若上座喚來不來突吉羅比丘尼波逸提式叉摩那沙彌沙彌尼突吉羅是謂為犯不犯者重聽不解前語有參差汝向誰說乃至我不見此罪若欲為作非法羯磨非毗尼羯磨若僧非塔寺若和上同和上若阿闍黎同阿闍黎若親舊知識欲為作無利益羯磨不與和合喚來不來不犯若欲為作非法羯磨非毗尼羯磨若僧若塔寺若和上同和上阿闍黎同阿闍黎若親舊知識欲為作無利益羯磨若欲知教言莫來便來不犯若一坐食若不作餘食法食若病喚起不起不犯或舍崩壞或燒或毒

地入舍或遇賊或虎狼師子或為強力將去或為他所縛或命難或梵行難教莫起便起不犯若惡心問若問上人法汝說是不與說不犯若作非法羯磨非毗尼羯磨若僧若塔寺若和上同和上若阿闍黎同阿闍黎若親舊知識若欲為作無利益教莫語便語不犯若小語若疾疾語若夢中語若獨語欲說此錯說彼無犯無犯者最初未制戒癡狂心亂痛惱所纏十一 爾時世尊在羅閱城耆闍崛山中時尊者沓婆摩羅子為眾僧所差知僧坐具及差僧食時慈地比丘其中間相去齊眼見耳不聞處六 自相謂言此沓婆摩羅子有愛有恚有怖有癡餘比丘語言此沓婆摩羅子為眾僧所差知僧坐具及差僧食汝等莫說彼有恚有愛有怖有癡慈地比丘報言我等不面說在屏處譏嫌耳爾時諸比丘聞其中有少欲知足行頭陀樂學戒知慙愧者嫌慈地比丘言此

沓婆摩羅子爲僧所差知僧坐具及差僧食云何汝等言彼有愛有恚有怖有癡時諸比丘往至世尊所頭面禮足在一面坐以此因緣具白世尊世尊即以此因緣集比丘僧呵責慈地比丘汝所爲非非威儀非沙門法非淨行非隨順行所不應爲云何慈地比丘沓

婆摩羅子爲僧所差知僧坐具及差僧食汝等云何嫌責彼言有愛有瞋有怖有癡世尊以無數方便呵責慈地比丘已告諸比丘慈地比丘癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘譏嫌波逸提如是

世尊與比丘結戒慈地比丘後復更作方便齊沓婆摩羅子聞而不見處自相謂言此沓婆摩羅子有愛有瞋有怖有癡諸比丘語言佛不制戒言譏嫌波逸提耶慈地比丘報言我等不嫌是罵耳時有比丘聞中有少欲知足行頭陀樂學戒知慙愧者譏嫌慈地比丘

睦二

七

言此沓婆摩羅子爲僧所差知僧坐具及差僧食汝等云何罵耶諸比丘呵責已往至世尊所頭面禮足在一面坐以此因緣具白世尊世尊即以此因緣集比丘僧呵責慈地比丘汝所爲非非威儀非沙門法非淨行非隨順行所不應爲沓婆摩羅子爲僧所差知僧

坐具及差僧食汝等云何罵耶世尊以無數方便呵責慈地比丘已告諸比丘自今已去與諸比丘結戒若比丘嫌罵波逸提比丘義如上說若面見譏嫌若背面罵面見嫌者齊眼見不聞處言有愛有瞋有怖有癡背面罵者齊耳聞不見處言有愛有瞋有怖有癡比

丘嫌罵比丘說而了了者波逸提不了了者突吉羅若上座教汝嫌罵若受教嫌罵突吉羅比丘尼波逸提式叉摩那沙弥沙弥尼突吉羅是謂爲犯不犯者其人實有其事而有愛有瞋有怖有癡恐後有悔恨語令如法發露便言有愛有瞋有怖有癡無犯若戲笑語

獨語夢中語欲說此乃錯說彼無犯無犯者  
最初未制戒癡狂心亂痛惱所纏十三

今時佛在舍衛國祇樹給孤獨園竟時舍衛  
城中有一長者欲請眾僧飯食時有十七群  
比丘取僧坐具在露地敷而經行望食時到  
時到已不收攝僧坐具便赴彼食僧坐具即

為風塵土空蟲鳥啄壞汗穢不淨諸比丘食  
已還至僧伽藍中見僧坐具風塵土空蟲鳥  
啄壞汗穢不淨即問言誰敷僧坐具不收攝  
捨去耶乃使風塵土空蟲鳥啄壞汗穢不淨  
答言十七群比丘取敷諸比丘聞其中有少  
欲知足行頭陀樂學戒知慙愧者譏嫌十七

群比丘言汝云何敷僧坐具而不收攝使風  
塵土空蟲鳥啄壞汗穢不淨耶諸比丘往世  
尊所頭面禮足在一面坐以此因緣具白世  
尊世尊即以此因緣集比丘僧呵責十七群  
比丘言汝所為非非威儀非沙門法非淨行  
非隨順行所不應為云何十七羣比丘敷僧

睡二

八

坐具不收攝而去使風塵土空蟲鳥啄壞汗  
穢不淨世尊以無數方便呵責十七羣比丘  
已告諸比丘此癡人多種有漏處最初犯戒  
自今已去與比丘結戒集十句義乃至正法  
久住欲說戒者當如是說若比丘取僧繩牀  
木牀若卧具坐褥露地敷若教人敷捨去不

自舉不教人舉波逸提比丘義如上眾僧物  
為僧屬僧物者已捨與僧為僧者為僧作未  
捨與僧也屬僧者已入僧已捨與僧繩牀者  
有五種旋脚繩牀直脚繩牀曲脚繩牀入陛  
繩牀無脚繩牀木牀亦如是卧具者或用坐  
或用卧褥者用坐也若比丘以僧繩牀木牀

卧具坐褥在露地敷若教人敷去後若彼有  
舊住比丘若摩摩帝若經營人當語言我今  
付授汝汝守護看若都無人者當舉著屏處  
而去若無屏處自知此處必無有破壞當安  
隱持鹿者覆好者上而去若即時得還便應  
去若疾雨疾還不壞坐具者應往若中雨中

行及得還者應往若少兩少行及得還者應往彼比丘應次第作如是方便去若比丘不作如是方便而行初出門波逸提若一足在門外一足在門內意欲去而不去還悔一切突吉羅若二人共一繩牀木牀坐下座應收而去下座作如是意謂上座當收而上座竟

陸二

九

不收而下座犯波逸提復以非威儀故突吉羅上座意謂下座當收而座不收上座犯波逸提若二人不前不後俱不收二俱波逸提及餘空繩牀木牀踞牀若几浴牀若卧具表裏若地敷若取繩索毳紵放在露地不收便去突吉羅若敷僧卧具在露地不收而入房坐思惟突吉羅比丘尼波逸提式叉摩那沙弥沙弥尼突吉羅是謂為犯不犯者若取僧繩牀木牀踞牀若几卧具坐褥在露地自敷若教人敷去時應語舊住人若摩摩帝經營人言守護此物付授汝若無人者收著屏處而去若無屏處可安自知此處必無亡失不

畏壞若以鹿者覆好者上而去若即去即時還若暴風疾雨疾得還若中兩中行若少兩徐行得還者若次第作如是方便去無犯若為力勢所縛若命難若梵行難不作次第而去不犯若二人共一繩牀坐下座應收諸餘空木牀繩牀踞牀若几浴牀若卧具表裏若

地敷繩索毳紵敷在露地若收而去若在露地敷僧坐具收攝已入房思惟無犯無犯者最初未制戒癡狂心亂痛惱所纏十四竟十爾時佛在舍衛國祇樹給孤獨園爾時有客比丘語舊住比丘我在邊僧房中敷卧具宿後異時不語舊比丘便去僧卧具爛壞蟲嚙色變時舊住比丘於小食大食時夜說法時說戒時不見客比丘舊住比丘作是念何以不見客比丘耶將不命過或能遠去或能反戒作白衣或能被賊或為惡獸所食或為水所漂彼即往到房見衆僧坐具爛壞虫嚙色變見已嫌彼客比丘所為云何客比丘語我

陸二

十

在邊房敷衆僧卧具宿不語我而去使衆僧坐具爛壞虫齧色變今時諸比丘聞其中有少欲知足行頭陀樂學戒知慙愧者譏嫌客比丘云何客比丘語舊比丘在邊房敷衆僧卧具宿不語而去使衆僧卧具爛壞虫齧色變諸比丘往世尊所頭面禮足在一面坐以

此因緣具白世尊世尊今時集諸比丘僧呵責客比丘汝所爲非非威儀非沙門法非淨行非隨順行所不應爲云何在邊房敷衆僧卧具宿去而不語舊比丘使衆僧敷具爛壞色變世尊以無數方便呵責客比丘已告諸比丘此癡人多種有漏處最初犯戒自今已

去與比丘結戒集十句義乃至正法久住欲說戒者當如是說若比丘於僧房中敷僧卧具若自敷若教人敷若坐若卧去時不自舉不教人舉波逸提比丘義如上說衆僧物者如上說卧具繩牀木牀卧褥坐具枕地敷下至卧氈彼比丘僧房中若敷衆僧卧具若自

敷若教人敷若坐若卧去時不自舉不教人舉是中若有舊住比丘有經營人若摩摩帝當語言與我掌護牢舉於中若無人付授不畏失當移牀離壁高支牀脚持枕褥卧具置裏以餘卧具覆上而去若恐壞敗當取卧具氈褥枕舉置衣架上豎牀而去彼比丘當如

是作而去若比丘不作如是而去若出界外波逸提一脚在界外一脚在界內還悔而不去一切突吉羅若期去而不去突吉羅若即還不久二宿在界外至第三宿明相未出若自往到房中若遣使往若語摩摩帝若知事人語言汝掌護此物作摩摩帝若比丘出在

略二

十一

外二宿至第三宿明相未出不自往至房中不遣使語言汝掌護此物者波逸提比丘尼波逸提式叉摩那沙弥沙弥尼突吉羅是謂爲犯不犯者若敷衆僧卧具若自敷若教人敷若坐若卧若彼去時是有舊住人若摩摩帝若知事人語言汝守護是物於中作摩

摩帝若無人付授應量宜不壞敗當舉牀離壁持卧具枕褥舉著牀上重覆而去若畏壞敗當舉卧具著衣架上豎牀而去作如是而去者無犯若房舍壞崩落火燒若毒蛇在內盜賊虎狼師子強力勢者所執若被繫若命難若梵行難若時還不久若二宿界外第三宿明相未出當自去若遣使語彼舊住人汝掌護此物作摩摩帝若水道留難若道路有賊虎狼師子若大水漲為力勢所持若被繫若命難若梵行難二夜在界外第三宿明相出自不得往不得遣使語人掌護此物與我作摩摩帝無犯無犯者最初未制戒癡狂心

亂痛惱所纏十五

尔時佛在舍衛國祇樹給孤獨園尔時六羣比丘及十七羣比丘在拘薩羅國道路行向餘聚落至無比丘住處時十七羣比丘語六羣比丘言汝等先去求止住處六羣比丘語言汝自去我何豫汝事六羣比丘是十七羣

比丘上座十七羣比丘作如是語語六羣比丘言汝是我等上座上座應先求住處我等後當求六羣比丘報言汝等去我不求住處時十七羣比丘即往求住處自敷卧具止宿時六羣比丘知十七羣比丘求得宿止處敷卧具竟往語言汝等起當以大小次第止彼任言我不與汝起六羣問言汝等今者幾歲耶十七羣報言諸長老實是我上座我等先已語長老可先求住處然後我等當求住處而今已住終不能復移時六羣比丘強在座間敷坐具宿十七羣比丘高聲稱言諸尊莫尔諸尊莫尔時諸比丘聞其中有少欲知足

陸二

十一

行頭陀樂學戒知慙愧者譏嫌六羣比丘言云何六羣比丘十七羣比丘先得住處後來強於中間敷卧具而宿耶諸比丘往詣世尊所頭面禮足在一面坐以此因緣具白世尊世尊尔時集比丘僧呵責六羣比丘汝所為非非威儀非沙門法非淨行非隨順行所不

應為云何六羣比丘十七羣比丘先得住處  
 後來強於中間敷卧具而宿耶尔時世尊以  
 無數方便呵責六羣比丘已告諸比丘此六  
 羣比丘癡人多種有漏處最初犯戒自今已  
 去與諸比丘結戒集十句義乃至正法久住  
 欲說戒者當如是說若比丘先比丘得住處

後來強於中間敷卧具止宿念言若彼人嫌  
 迹者自當去作如是因緣非餘非威儀波逸  
 提如是世尊與比丘結戒時諸比丘不知是  
 先住處非先住處後乃知是先住處或有作  
 波逸提懺者或有畏慎者佛不知者無犯自  
 今已去當如是結戒若比丘知先比丘住處

後來強於中間敷卧具止宿念言彼若嫌迹  
 者自當避我去作如是因緣非餘非威儀波  
 逸提比丘義如上說中間者若頭邊若脚邊  
 若兩脇邊卧具者草敷葉敷下至地敷卧具  
 若比丘知他比丘先得住處後來強於中間  
 敷卧具止宿隨轉側脇著牀波逸提比丘尼

壁

十二

波逸提式又摩那沙弥沙弥尼突吉羅是謂  
 為犯不犯者先不知若語已住若先與開門  
 若門寬廣不相妨礙若有親舊人親舊人教  
 言但於中敷我自當為語其主若倒地若病  
 轉側墮上若為力勢所持若被繫閉若命難  
 若梵行難無犯無犯者最初未制戒癡狂心

亂痛惱所纏十六

尔時佛在舍衛國祇樹給孤獨園尔時六羣  
 比丘及十七羣比丘在拘薩羅曠野道中行  
 至小住處時十七羣比丘語六羣比丘言長  
 老去敷卧具六羣報言汝自去我何豫汝事  
 六羣比丘是十七羣比丘上座彼如是言長

老是我等上座長老先去敷卧具我等當次  
 第敷之六羣報言汝但去我不敷十七群比  
 丘淨潔自喜入寺裏掃灑房舍令淨敷好卧  
 具於中止宿時六羣比丘知十七羣入寺掃  
 灑房舍淨潔敷好卧具已即任入房語言長  
 老起隨次坐語言我等不起六羣即問言汝

等今幾歲耶十七羣比丘報言長老實是我等上座我先已語上座先敷我等後次第敷今已坐不能起今已逼暮但當盡共宿尔時六羣比丘強牽瞋不喜驅出房時十七羣比丘高聲言莫尔諸賢莫尔諸賢時比丘聞之即問言汝等何故高聲大喚時十七羣

比丘具以此事說之其中有少欲知足行頭陀樂學戒知慙愧者嫌責六羣比丘云何瞋不喜強牽十七羣比丘驅出僧房時諸比丘往世尊所頭面禮足在一面坐以此因緣具白世尊世尊尔時以此因緣集比丘僧呵責六羣比丘汝所為非非威儀非沙門法非淨行非隨順行所不應為云何六羣比丘瞋不喜強牽十七羣比丘驅出僧房耶世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘瞋他比丘不喜僧房舍中若自

瞋

十四

牽出教他牽出波逸提比丘義如上說僧物者如上若比丘瞋他比丘不喜在僧房舍中若自牽若教人牽隨所牽多少隨出房波逸提若牽多人出多戶多波逸提若牽多人出一戶多波逸提若牽一人出多戶多波逸提若牽一人出一戶一波逸提若持他物出突

吉羅若持物擲著戶外突吉羅若開他著戶外突吉羅比丘尼波逸提式又摩那沙弥沙弥尼突吉羅是謂為犯不犯者無恚恨心隨次第出若共宿二夜至三夜遣未受戒人出若破戒若破見破威儀若為他所舉若為他所擯若應擯以是因緣故有命難梵行難驅逐如此人等無等無犯者最初未制戒癡狂心亂痛惱所纏十七尔時佛在舍衛國祇樹給孤獨園諸比丘在重閣上住坐脫脚牀上坐不安庠閣下有比丘止宿閣薄牀脚脫墮下比丘上壞身血出時比丘仰向恚罵云何比丘在重閣上住坐

脫脚牀上坐不安庠使牀脚下脫打傷我身  
 至今血出諸比丘聞之其中有少欲知足行  
 頭陀樂學戒知慙愧者嫌責彼比丘言云何  
 比丘乃在重閣上坐脫脚牀上坐不安庠牀  
 脚下脫打破比丘身使血出諸比丘往世尊  
 所頭面禮足在一面坐以此因緣具白世尊

三

五

世尊即集比丘僧呵責彼比丘言汝所為非  
 非威儀非沙門法非淨行非隨順行所不應  
 為云何比丘在重閣上坐脫脚牀上坐不安  
 庠令牀脚下脫打破比丘身傷血出耶世尊  
 以無數方便呵責彼比丘已告諸比丘此癡  
 人多種有漏處最初犯戒自今已去與比丘

結戒集十句義乃至正法久住欲說戒者當  
 如是說若比丘若房若重閣上脫脚繩牀木  
 牀若坐若卧波逸提比丘義如上說舍者僧  
 房若私房重閣者立頭不至上者是脫脚牀  
 者脚入陛比丘在重閣上坐脫脚牀若坐若  
 卧隨脇著牀隨轉側波逸提除脫脚牀已若

在獨坐牀或一板牀或浴牀一切突吉羅比  
 丘尼波逸提式又摩那沙弥沙弥尼突吉羅  
 是謂為犯不犯者若坐旋脚繩牀直脚繩牀  
 曲脚繩牀無脚牀若牀支大若脫脚牀安細  
 覆若彼重閣上有板覆若刻木作花覆若重  
 厚覆若反牀坐若脫牀脚坐無犯無犯者最

初未制戒癡狂心亂痛惱所纏十八

尔時世尊在拘睢弥國尔時尊者闍陀比丘  
 起大屋以虫水和泥教人和諸長者見嫌責  
 言沙門釋子不知慙愧無有慈心害眾生命  
 外自稱言我修正法如今觀之有何正法以  
 虫水和泥教人和害眾生命尔時諸比丘聞

其中有少欲知足行頭陀樂學戒知慙愧者  
 嫌責闍陀言云何起房屋以虫水和泥教人  
 和害眾生命諸比丘往世尊所頭面禮足在  
 一面坐以此因緣具白世尊世尊尔時即集  
 比丘僧呵責闍陀言汝所為非非威儀非沙  
 門法非淨行非隨順行所不應為云何闍陀

起屋以垂水和泥教人和耶世尊以無數方便呵責闍陀已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘以垂水和泥若教人和波逸提如是世尊與比丘結戒時諸比丘未知有垂水無垂

睡二

十六

水後乃知有垂或有波逸提懺悔者或有畏慎者不知無犯自今已去當如是說戒若比丘知水有垂若自澆泥若草若教人澆者波逸提比丘義如上說若知水有垂以草若土擲中者波逸提除水已若有垂酪漿清酪漿若醋若漬麥漿以澆泥若草若教人者波逸

提若以土若草著有垂清酪漿中醋中水漬麥漿中若教人者波逸提若垂水有水垂想波逸提垂水疑突吉羅無垂水有垂水想突吉羅無垂水疑突吉羅比丘尼波逸提式又摩那沙弥沙弥尼突吉羅是謂為犯不犯者不知有垂作無垂想若垂大以手觸水令垂

去若澆水灑地若教人灑者一切無犯無犯者最初未制戒癡狂心亂痛惱所纏十九 爾時世尊在拘睢毗國瞿師羅園中時尊者闍陀比丘起大房覆有餘草復更重覆故有餘草第三覆猶復有餘草在時彼作是念我不能常從檀越求索草為更重覆不止屋

便摧破諸居士見嫌其所為沙門釋子不知慙愧乞求無厭外自稱言我知正法如今觀之有何正法作此大舍重覆不止致使摧折崩破耶檀越雖與受者應知足時諸比丘聞之其中有少欲知足行頭陀樂學戒知慙愧者嫌責闍陀比丘云何起大房重覆不止而

睡二

十七

使摧折崩破諸比丘往世尊所頭面禮足在一面坐以此因緣具白世尊世尊時集比丘僧呵責闍陀比丘言汝所為非非威儀非沙門法非淨行非隨順行所不應為云何闍陀起大房重覆不止使摧折崩破耶世尊以無數方便呵責闍陀比丘已告諸比丘闍陀

比丘癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘作大房舍戶扉窗牖及餘莊飾具指授覆苦齊二三節若過波逸提比丘義如上說大舍者多用物及餘莊飾者刻鏤采畫覆者有二種縱覆橫覆彼比丘指授二節覆已第三節未竟當去至不見不聞處若比丘二節覆已第三節未竟不去至不見不聞處若第三節竟波逸提若捨聞處至見處捨見處至聞處一切突吉羅比丘尼波逸提式又摩那沙弥沙弥尼突吉羅是謂為犯不犯者指授覆苦二節竟至第三節覆未竟至不見不聞處水陸道斷賊難諸惡獸難水大漲或為力勢所持若被繫若命難若梵行難指授覆二節至第三節未竟不去至不見不聞處一切無犯無犯者最初未制戒癡狂心亂痛惱所纏二竟

尔時世尊在舍衛國祇樹結孤獨園與大比

丘眾五百人俱於中夏安居盡是眾所知識如舍利弗大目捷連尊者大迦葉尊者大迦旃延尊者劫賓那尊者摩訶拘絺羅尊者摩訶朱那尊者阿那律尊者離越尊者阿難尊者難陀尊者般陀如是等五百人俱尔時大愛道比丘尼差摩比丘尼蓮華色比丘尼提舍瞿曇弥比丘尼波梨遮羅夷比丘尼訖弥比丘尼數那比丘尼蘇羅比丘尼遮羅夷比丘尼婆遮羅比丘尼尸羅婆遮那比丘尼阿羅婆比丘尼摩羅毗比丘尼朱泥比丘尼婆泥比丘尼如是等五百比丘尼大愛道為首於舍衛國王園中夏安居尔時大愛道往至

睡二

世尊所頭面禮足在一面坐坐已白世尊言唯願世尊聽諸比丘與比丘尼教戒說法佛告大愛道瞿曇弥今聽諸比丘與比丘尼教戒與比丘尼說法尔時大愛道頭面禮足而去尔時世尊告阿難曰自今已去聽隨次差上座大比丘教戒比丘尼為說法尔時阿難

六

聞世尊教即往般陀比丘所語言長老為比丘尼教戒說法般陀報阿難言我所誦唯一偈耳云何教戒比丘尼云何為說法阿難復重語般陀長老教戒比丘尼為說法般陀復報阿難言我所誦者唯一偈耳云何教戒比丘尼為說法阿難第三語般陀比丘世尊有

教差上座比丘教戒比丘尼與說法長老應教戒比丘尼與說法時尊者般陀默然受勅時六羣比丘尼聞尊者般陀比丘當次當來教授自相謂言此愚闇般陀唯誦一偈說已當默然更何所說時尊者般陀明日清旦著衣持鉢入舍衛城乞食已還入僧伽藍中

整衣服將一比丘往詣王園中比丘尼安居所時諸比丘尼遙見尊者般陀來各前往迎有拂拭衣服者有捉鉢敷坐具者有辦淨水洗足器者時尊者般陀即就座而坐諸比丘尼等前禮足已在一面坐時大愛道白尊者般陀言今正是時可為諸比丘尼教

陸二

九

戒說法時般陀即說偈言  
入寂者歡喜 見法得安樂 世無恚最樂  
不害於衆生 世間無欲樂 出離於愛欲  
若調伏我慢 是為第一樂  
時尊者般陀說此偈已即入第四禪時六羣比丘尼各相向調戲言我先有此語般陀

比丘癡人唯誦一偈若來為我等說已更何所說今者默然果如所言時諸羅漢比丘尼聞般陀所說皆大歡喜知般陀有大神力時大愛道復請尊者般陀為諸比丘尼教戒說法時般陀比丘即重說向者偈已入第四禪默然無言時大愛道復重請尊者般陀為諸比丘尼教戒說法般陀比丘即復重說向者偈已還入第四禪默然而止時六羣比丘尼復自相謂言尊者般陀闇塞唯誦一偈若來為我等說者一說則已如今默然果如所言唯有阿羅漢比丘尼知般陀是阿羅漢有大神力時尊者般陀便作是念我今觀衆人

心聞我向者所說為歡喜不尔時尊者般陀即觀諸比丘尼心或有喜者或有不喜者即復更念言我今寧可為其作悔恨相即昇虛空或現身說法或隱形而說法或現半身說法或不現半身而說法或身出烟焰或不現尔時尊者般陀在空中為諸比丘尼現此眾變說法已即於空中而去尔時六羣比丘遣信語六羣比丘尼言我等次當與比丘尼教戒說法時六羣比丘尼即白比丘尼僧六羣比丘次當教授說法尔時六羣比丘夜過已明日清旦著衣持鉢入舍衛城乞食乞食已還僧伽藍中更整衣服攝持威儀往詣王園至比丘尼安居所就座而坐時諸比丘尼禮足已各就座而坐時六羣比丘教戒比丘尼乃說餘事不說戒定智慧解脫解脫知見少欲知足出要進業捨離趣善不處憤鬧十二因緣論但說王者論人民論軍馬論鬪論大臣論騎乘論婦女論華鬘論酒會論婬女論

時

二十

牀卧論衣服論美飲食論浴池娛樂論作親里論別異論思惟俗事論入海論多入如是論中或笑或憐或鼓舞彈鼓簧或嘯或鼓口作吹貝聲或作孔雀鳴或作鶴鳴或並走或一脚跛行或干戰六羣比丘尼見如是事極大歡喜言六羣比丘伴如是教授最是其宜羅漢比丘尼以恭敬心故默然無言尔時大愛道往世尊所頭面禮足在一面立須臾白世尊言六羣比丘次教授比丘尼乃說餘事亦不與說戒論定論乃至不處憤鬧十二因緣論但為說王者論乃至思惟俗事入海論乃復戲笑或歌憐乃至一脚跛行干戰尔時大愛道白世尊說此事已頭面禮足而去尔時世尊以此因緣集比丘僧知而故問六羣比丘言汝等審尔如是教誨比丘尼不時六羣比丘報言實尔世尊世尊尔時呵責六羣比丘言汝所為非非威儀非沙門法非淨行非隨順行所不應為云何汝等如是教授比

比丘尼耶尔時世尊以無數方便呵責六羣比丘已告諸比丘自今已去當衆僧中差教授比丘尼人白二羯磨當差堪能羯磨者如上一作如是白大德僧聽若僧時到僧忍聽差某甲比丘教授比丘尼白如是大德僧聽此某甲比丘教授比丘尼誰諸長老忍僧差某甲

時二

北一

比丘教授比丘尼者默然誰不忍者說僧已忍差某甲比丘教授比丘尼竟僧忍故默然如是持時六羣比丘作是言僧不差我等教授比丘尼即出在界外更互相差教授比丘尼遣使語六羣比丘尼爲我白尼僧言六羣比丘僧差當來教戒比丘尼諸比丘聞其中

所頭面禮足在一面立以此因緣具白世尊已頭面禮足而去尔時諸比丘往世尊所頭面禮足在一面坐以此因緣具白世尊世尊尔時集比丘僧知而故問六羣比丘言汝等實出界外更互相差教授比丘尼僧不荅言實尔世尊世尊以無數方便呵責六羣比丘汝所爲非非威儀非沙門法非淨行非隨順行所不應爲云何癡人僧不差教授比丘尼出界外更互相差教授比丘尼遣使語六羣比丘尼言爲我白尼僧言僧差我等教戒比丘尼我今當教授比丘尼世尊呵責已告諸比丘自今已去若有比丘成就十法者然後得教授比丘尼戒律具足多聞誦二部戒利決斷無疑善能說法族姓出家顏貌端正比丘尼衆見便歡喜堪任與比丘尼衆說法勸令歡喜不爲佛出家而被法服犯重法若滿二十歲若過二十歲如此等可與比丘尼教戒自今已去與比丘結戒集十句義乃至王

法久住欲說戒者當如是說若比丘僧不差  
 教戒比丘尼者彼逸提比丘義如上說僧者  
 一說戒一羯磨差者僧中所差白二羯磨教  
 授者八不可違法何等八百臘比丘尼見初  
 受戒比丘當起迎逆問訊禮拜請令坐此法  
 應尊重恭敬讚歎盡形壽不應違比丘尼不

陸二

廿一

得罵比丘不得誹謗言破戒破見破威儀如  
 此法應尊重恭敬讚歎盡形壽不應違比丘  
 尼不得舉比丘罪言汝所作尔汝所作不尔  
 不得作自言不得遮他覓罪不得遮他說戒  
 自恣比丘尼不得說比丘過失比丘得說比  
 丘尼過失如此法應尊重恭敬讚歎盡形壽

不應違已學於學式又摩那從眾僧求受大  
 戒如此法應尊重恭敬讚歎盡形壽不應違  
 若比丘尼犯重法應半月在二部僧中行摩  
 那埵如此法應尊重恭敬讚歎盡形壽不應  
 違比丘尼於半月在二部僧中行摩那埵如  
 此法應尊重恭敬讚歎盡形壽不應違比丘

尼於半月當從眾僧中求索教授人如此法  
 應尊重恭敬讚歎盡形壽不應違比丘尼不  
 應在無比丘處夏安居如此法應尊重恭敬  
 讚歎盡形壽不應違比丘尼夏安居訖當詣  
 眾僧中求三事見聞疑自恣如此法應尊重  
 恭敬讚歎盡形壽不應違於說戒時上座當

問比丘尼遣何人來耶若有即起白僧言比  
 丘尼僧和合禮比丘僧足求索教戒說戒時  
 上座應更問言誰為教戒比丘尼若有者應  
 差若教戒比丘尼者多應遣使語比丘尼僧  
 此多有教戒人汝為請誰耶若波尼言我請  
 此人若復報言我隨僧處分者僧應隨常教

陸二

廿三

授比丘尼者次第差比丘僧應剋時到比丘  
 尼亦剋時往迎若比丘剋時不至突吉羅比  
 丘尼至時不迎亦突吉羅若聞教授師來比  
 丘尼當出半由旬迎供給所須辦洗浴具為  
 作粥種種飯食不作如是供辦者突吉羅若  
 僧不差或非教授日而往與說八不可違法



騰郎答反  
二同

四分律藏卷第十三

睦三

姚秦三藏佛陀耶會恭茲佛念譯

四分律藏初分

尔時佛在舍衛國祇樹給孤獨園時尊者難陀為眾僧所差教授比丘尼教授比丘尼已默然而住尔時大愛道語言尊者難陀我等

欲得聞法願更與我等說尔時尊者難陀與說法已默然而住大愛道復重請言我等欲得聞法願與我等說時尊者難陀好音聲為說法聽者樂聞遂至日暮時比丘尼出祇桓精舍往舍衛城城門已閉不得入門便即依門外城墜中宿晨旦門開在前入城時諸長

者見已皆言沙門釋子無有慙耻無清淨行自稱言我修正法如有何正法汝等皆觀此比丘尼竟夜與比丘共宿晝便放還諸比丘聞眾中有少欲知足行頭陀樂學戒知慙愧者嫌責言云何難陀與比丘尼說戒乃至日暮使諸長者嫌責耶諸比丘往世尊所頭面禮足在一面坐以此因緣具白世尊世尊尔時以此因緣集比丘僧知而故問尊者難陀汝實與比丘尼教授至日暮耶答曰實尔尔時世尊以無數方便呵責難陀言汝所為非非威儀非沙門法非淨行非隨順行所不應為云何難陀與比丘尼說法教授乃至日暮耶呵責已告諸比丘此難陀癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘為僧差教授比丘尼乃至日暮者彼逸提比丘義如上僧者一教授一羯磨教授者眾僧中差白二羯磨彼比丘眾僧所差教授